



Poex: 1246





2530


1869 11. 387











Frid. Zamell

EPIGRAMMATUM

liber VI.

ELBINGÆ

Typis BODENHAUSIANIS.

anno M. DC. XL

Ad Lectorem.

Princeps sub Gothico congesta Epigrammata nobis
Unum, Lector, opus quinque fuere libris.
Sex nunc asserimus. Bis tertius adspicit auras.
Quinque Tibi lectis se rogat ille legi.

AD SERENISS: AC POTENTISS: DN. DN.
VLADISLAUM IV. Poloniæ &
Sveciæ Regem.,

cùm in adventu illius ad dextram ejusdem
deosculandam admitteretur.

O S video vultusq; Tuos, Rex alme, videntq;
Servitium passi Drusidos urbis agri.
In dextram demitto sacram lætentia cunas
Ante Tuas, sceptris nata sed ora Tuis.
Fregeris Ismarias per bella ferocia gentes:
Non habet hæc iras nec gerit arma manus.

De Stellâ Aureâ Illustriss. familiæ
Guldensterniorum.

S Tella supra Famam est: plectro nihil indiget Aurum.
Dic mihi, quei possint hæc duo ritè coli?

De eâdem.

S Tella pii generis cælestes indicat ortus:
Quo terras Aurum posse carere negat.

Poëseos cultæ sincera præmia.

C Vi deus in loculis, cui spes in fœnore sola est,
Huic ego prædico: fors Tibi nostra nocet.
Quæritur à nobis, quod ne tumuletur eodem
Cespite, se curtas excitat inter opes.
Dixi ego: & hæc locuples damnabat præmia civis:
Patria quem dubitant rura fuisse suum.

De silvis.

Vos rura, & querulas dulcissima nomina silvas
Non possum quovis non celebrare loco.
Vix aliquo in numero est; magnos trivisse Marones,
Et puerum Phrygios edidicisse duces.
Vos juga Musarum monstratis ad ardua callem:
Vos mihi Pirenen Castaliamq; datis.

In Bibliothecam Ludovici.

Hæcne est Bibliotheca Ludovici?
Hæcne armaria copiosa libris?
Illa armaria detonata plebi,
Solâ ex colluvie omnia æstimanti?
Sed Postillographos & hunc & illum;
Exin Grammaticos & hunc & illum,
Sed quales schola nominat minutos;
Hinc defensa gigantibus roseta,
Gibichi, tumidaq; Grimoilda,
Arturosq;, Gothumq; Theudericum,
Tristantemq;, Amadisiasq; nugas,
Et Pontum, Galaminiosq; fratres,
Cumq; Orso Melusinium draconem,
Et scurræ mala gesta Tilliani,
Es saccum atq; apicem Andelufianum;
Dein luxûs monumenta Apiciani,
Dignasq; Ausidio nepote leges;
Post omnes Elephantidis libellos,
Quicquid deniq; Sotaden cinædum
Primâ fronte aperit sui theatri,
Toto hoc exime & aufer apparatu:
Dejerabo ego, quicquid est deinceps
Unâ posse recondier sub ulnâ.

Ad

In quemdam.

Mitte Cupidineum sexagenarius astum.
Pectore in emerito quid puer audet Amor?
Quis dixit sapiens, præstare hanc quærere tabem?
Ab leviora trucis fata Neronis erant!
Leucaten melius scopulo ruiturus adisses;
Ut nisi Tu pereas, transeat iste furor.

Senes saltantes.

SAltavère senes, similemque habuère choraulen:
Sed solvère chorum cum cecidisset anus,
Excussum vetulæ flerunt consortia dentem.
Non aliter flendus casus erat patriæ.

Precatio Poëtæ cujusdam à Socrate ad-
ducta apud Platonem in Alcibiade posteriore:

Ζεῦ βασιλεῦ, τί μὲν ἐσθλὰ, &c.

DA bona, summe parens, hæc aut orantibus aut non.
Quæ mala sunt, nobis eadem poscentibus arce.
Sive.

Da mihi quæ bona sunt & non, Deus alme, precanti.
Quæ mala sunt, quàmvis illa rogère, nega.

In Tacconem.

TAcco parat nobis Satiari prandia luxu:
De mendicatis sed parat illa cibis.
Solvat ad Argolicas vendenti vina Calendas.
Hac habitat Tacco non sua tecta fide.
Sunt & cum positis aliena sedilia mensis,
Et tabulæ & totâ fixa sigilla domo.

Poscent

*Poscunt sartores: in easdem distulit Idus,
Græcia quas natum condidit ante Remum.
His veniant ortis exactum nomina lixæ:
Succedat tonsor, bibliopola, faber.
Per famulum invitat, tres quem conduxit in horas.
O quanti pretii res erit, esse domi!
Nec convivator nec sunt convivæ tamti;
Ut grates huic, qui non meruisset, agam.*

De pedisequis præcipuar. Boruss. urbium.

V*irginibus nostris toti contendimus Orbi.
De numero (namq; est maximus ille) loquor.
Huc vel ab Occiduis vel Eois venerit oris,
In mores Dominae servula vilis abit.
Nec pes discrimen nec cervix comita relinquit.
Sunt totidem tunicae, virgineisq; pares.*

Ad Rusticum.

D*estituor canibus bis quinq; decemq; per annos.
Si quis erat nobis Rustice, pictus erat.
Insani plusquam est inter vicina latratûs:
Horret ad hunc sceptri turba pusilla mei.
Non mihi sed patulo est animal canis utile ruri.
Prima Tui fundi dona remitto canem.*

De Marte.

F*essus adulteriis & amorum Iupiter exors
In Paphiam lites movit & arma deam.
Pro Iove Gradivus belli tractabat habenas:
Cui visa est cultu quo solet esse Venus.
Siccine me genitor committit inermibus? inquit.
Nudus in hoc bellum (tela valete) ruam.*

In Pasqvinum.

OMnia qui carpit Pasqvinus & omnia ridet,
Hunc vidi lacrimis immauisse semel.
Et res talis erat, quam non contemnere posset.
Tunc primum uxoris nōrat adulterium.

In quemdam.

FVgisti monitis animum componere nostris.
Ipse Tuis angor, vir miserande, malis.
Nam quoties dixi, cum Calvia lege jugali
Ducta Tibi est: thalami jurgia prima cave.
Quid vobis operum, quid vitæ restat agenda?
Vna dies acta est, nec sine lite fuit.

De messe anni M. DC. XL.

Nondum plena suo descendunt gaudia cælo:
Sincerumq; rogant omnia rura jubar.
Iamq; furit Boreas jamq; hispidus irruit Auster:
Ventorumq; luit messis adulta minas,
Cum subito iratus demittit Iupiter imbres.
Nec fratrem flectas Tu tamen alma Ceres?

Ad locum Aristotelis ex II. Polit c. IIX.

Τὸς γὰρ ἀρχαῖοι νόμοις λίαν ἀπλῆς, &c.

Quò ferrum, si jura valent? quid cingitis illo
Corpora, sacrarum tuti munimine legum?
Sive propulsandæ, cives, vi sumitis arma;
Sive aliis inferre libet; ruit omnis ab alto
Majestas legum, dextraq; in robore jus est.
Hic rigor, hæc feritas alio sub Sole jacentum est.
Et prisca sed tunc gens moribus aspera Graji
Sub Iove succinctum lato femur ense gerebant:
Nunc habitum atq; animum damnant mansueta profesti.

Vladislao IV. Potentissimo Polonorum

& Svecorum Regi.

Non omnem Gothica, Rex maxime, gentis amorem,
Deposui missis in sua Regna Gothis.

Tres amo carus iis, dignum Os Cicerone Borastum,

Montanumq; pari Vastorumq; fide.

Da veniam: si Te, si Patrem respicis, ô Rex;

Omnibus irasci non potes ipse Gothis.

Admodum Reverendo atq; Excell. viro

Dn. D. Gregorio Borasto, Canonico Varmienfi,

& Sccr. R. M. Pol. ac Sveciæ.

Nvm mea, si quæris, sint condita carmina silvis,
Ingenii præses culte Boraste mei;

Condidimus. Nuper fassus sum Regibus ipsis.

Adjeci: nemoris nil tamen esse mei.

Res Tibi visa proba est, hæc me scripsisse. Quid ergo?

Hoc restat: coram Tu potes ista loqui.

De Poëtis.

Ingrediebar iter: suberant tunc nubila cælo,

Ac nondum Titan, penè sed ortus erat.

Vota dabam Superis: arrisit Phæbus eunti:

Et formosa dies, & sine nube fuit.

Hoc meruisse sat est, desint ut cætera, dixi.

Vatibus ut semper lux sit & alba dies.

Tugouions.

VApulat à domino quòd verna miserrimus, inde est:

Edit caseolum, quem fugit osor herus.

De Paullino.

Paullinus queritur trans Alpes isse nepotem,

Fecisse impensas, nec tenuisse modum.

*Qui Latio redeunt, paucis sunt caulibus usi.
Adspice vestitos: omnia manca gerunt.
De vino nihil est: dilutum Roma propinat:
Nec velut in nobis. Quid blattit ergo senex?*

Laus Artemii, sive peregrinatio fructuosa.

I*N Latio Sophian, Themis atq; Helicon repertum.*

*Rectè indaganti gratulor Artemio.
Docta suos fugiens jam dudum Græcia colles
Tarpejo insedit proxima rura Iovi.*

*Artemius dominæ cineres ubi viderat Urbis;
Testis, ait, locus est, heic habitasse deos.*

*At nos sacra deum propius tangamus & aras:
Quæq; latent oculos, cernere mente juvet.*

*Hæreat his animus rerum inferiora secutus;
Est ratio nostræ sanctior ista via.*

*Asseruit Latias è multo marmore leges,
Desuetisq; loqui reddidit ora notis.*

*Felices animæ, quos sic externa fatigant,
Ut redeant digni patribus & patriâ!*

Ad Amplifs. & Doctifs. virum Dn. Simonem Dachium Poëseos in Academia Regiomont. declaratum P. P.

M*Vsa, quis in nostris Phœbus novus imperat oris?
Ipse novos animos colligo, vimq; novam.*

Quisquis id excelsum superasti culmen honorum;

Quæ Tua sint, Vati nomina pande Tuo.

O Dach, ne Tu subitaria sacra Zamelli

Despice: quæ fecit, quâ solet ille, fide.

Gallus gallinaceus suffocatus.

PAnthoides quondam magno congressus Achilli,
Post aries, tigris, simia, Pythagoras:
Sæpe etiam mulier, & quæ muliebria passus
Est Sporus Iliaco pro Ganymede puer:
Nunc præfocato perit mihi gutture gallus.
Anum egressa anima est, quid subitura? suem.

In gulonem.

QVidam Athamantæam mihi lurco precatur Erinny:
Optat & Inois non leviora malis.
Illi Erisichthonias opto contingere fauces,
Qualisq; ingluvies Aftydamantis erat.
Lurco fame pereat monitis aversus amicis:
Et quod amat, pœnam sentiat esse suam.

Pilei quærimonia ad sapientes.

HEi mihi, vesane qui pileus esse juventa
Cogor, & in formas semper abire novas?
Iam probor immensâ, tenui nunc eligor orâ:
Iam pandus fio: jam mihi surgit apex.
Credo, quod audierant, vestri quid summa requirant,
Pro capite exercent pileolum impositum.

In Lætum.

EGregium Læto Carnutum Academia nomen,
Contulit. Hoc unum cætera nudus habet.
Contrahit excusso veteres Hippocrate vappas:
Inq; brevi Medicas murice gestat oper.
Quamvis (si verum est, quod dicunt unus & alter)
Et de Cephiso lauriger amne bibit.
His auctus titulis thalami sibi fœdere Byrsin
Iunxit: in hac orâ cui negat esse parem.

Deinde

Deinde quod hoc decore est & tali conjuge dignum,
Incolit in medio splendida tecta foro.

Hæc fractas solentur opes, nisi crimen inesset.

Extremum misero Gallica bulla data est.

Quid coquat in clybano, dum non curatur in urbe;

Lixivium in rudibus ventilat agricolis.

Sed nec in obscuro est res de Parnasside lauru.

Emit & hanc. Aureis venditur illa tribus.

Nemo puto vidit, quid possint serinia Lati.

Nil ego. Castalidum per sacra juro novem.

Hircosa est Byrsis, strumamq; in syndone gestat:

Cui dos ex unâ est hæc domus unciolâ.

Priapus.

Q Vem lauti Pario faciunt de marmore Reges,
Ficulus tueor paupera rura deus.

Ligneus in turbâ custos sum semper agresti:

Marmoreum quâvis scripserit esse Maro.

Scilicet & curam suscepit, ut aureus essem.

Quid præstent Vates, si Maro vanus erat?

De Medico.

C Vr malè sit Medicos, forsân si quæritis, edam:
Omnibus in totâ civibus urbe bene est.

De silvis.

I N silvas ferimur nostro quoq; Consule dignas.
Augusto claudi mens mea nescit agro.

Vos tenues horti, vos unius arboris umbræ

Nomen iners estis Vatibus atq; diis.

Nos spatia immensi nemoris Ninfæq; morantur.

Obscæni Vobis inguen habete dei.

De Basso sene.

MOrbum incidisse queritur in gravem Bassus
Silicernium, nec nominat. Senectus est.

Ad Pet. Gisconem.

NUppsit Grammatico superba Gilva
illi Calio, amice Gisco, cui rem
Decedens genitor reliquit omnem:
Totum hoc, quod Diomedis est & Auli,
Quod Festi est, superestq; Prisciani,
Quod silvæ resonant Maronianæ,
Quod vident numeri Catulliani,
Quod plorant elegi Magistri amorum.
Non contendo quid hæc juvent puellas:
Verum ut Cælius illud auspiciò
Gilvæ dixerit, illud ambienti;
Sed sic dixerit, ut simul puellæ
Audirent comites, & ipsa mater:
Formosissima virginum: quot Euris,
Quot Corus, Boreas & Auster afflat:
Quam spectet Venus, & velit Cupido,
Sed spectent reliqui dii, deæq;
Nec jam se neget illa ritè victam:
Et plusquam Paridis probare jurent
Hoc se iudicium dii, deæq;
Cum dicto placuit disertus autor.
Quod vix munera dent beata Regum,
Vnus Grammatici dedit susurrus.

In.

In Tatam.

DVxisti nec Te nec dignam ætate puellam:
Turpius est donis quæ tamen emta Tuis.
Vane Tata, quamti primus Tibi constitit error!
Nunc emit, emtores aut habet illa suos.
Sed peregrina domo est, notosq; reliquit amantes?
Crede mihi, Paris est alter in urbe Tuâ.
Non ibit, patrium Gabiis ut suscitetur ignem,
Extruit in Vejis si quæ Gabina focum.
Seu prior excedas seu Zalge; & in hoc & in illo est,
Quod speres. Aliud Te nihil expediet.

De Lescio.

AVsus erat Lescus geminas ambire sorores.
Causa quod utramvis, forma minoris erat.
Nam formæ nimium quod fideret, illud agebat
Lescus, ut huic spectus vir foret alterius.
Sed minor, ut facies posset prælata videri;
Admisit juvenem prima, deditq; fidem.

In Paullum.

ÆDificas, surgisq; senex maturior illo.
Quo placidi redeunt exoriente dies:
Teq; fabros inter jubar ad declivæ fatigas:
Sed nec rure Tuo, Paulle, nec ære Tuo.
Vix Tibi pingentur quales meditaris Atridas,
Quiq; fero eripuit Tros pius igne patrem.
Videris illa tamen, creberq; admissus amicus,
Et sedeat Tecum sub radiante tholo:

Quæ

*Quæ cœpti ratio, si Te usq; danista Philippus
Exagitat; cuius, quod seris, arca metit?
Pauille, furor certè est, his perdere molibus assem;
Maximus, impensis non satis esse suis.*

In Cleandrum.

A*ltera bis decimum series Tibi computat annum,
Ut sint quot menses vixeris, adde decem.
Impia sunt, numeroq; carent, quæcumq; patraſti.
Oppida sunt sceleris ruraq; plena Tui.
Et spires altum? ventum eſt ad summa, Cleander,
Quà lictor clavos expedit & laqueum.*

De Puellis.

P*roſtat & in noſtris cœlum genitale puellis:
Non eſt hæc Paphiæ gloria ſola deæ.
Eſſe tamen terræ contendat Cypria prolem:
Mox gelidi ſpumas audiet illa freti.
Pulicum at occentet, quibus ipſa eſt libera, morſus:
Ad probrum hoc noſtræ quid regerent Veneres?*

Puellarum reſponſio, ejusq; confutatio.

A*ffertur, dominas hæc velle reponere: longas
Eſſe ſibi tunicas, Cyprin habere breves.
Non has ſed longam infeſtari à pulice veſtem.
Ob nihil eſt! illam nuda puella fovet.
Quid facitis, domine, tunc cùm ſine veſte jacetis?
A veſtro pulex ſordidus ungue cadit.*

Hæreditas Paulli.

P*aullo parente ritè condito fratrum
Par cùm familiam heriſcerentur umbroſa*

*Sub nocte; reperere patrii fundi.
Argenti, & auri, & nominum meras umbras.*

In Marculum.

T*Res queritur famulos sibi Marculus esse. Quid optat?
Vnum os, octo manus, & tot habere pedes.*

In podagram.

I*Usumus hanc turbam liëtoris voce citari.
De Te præcepi, sancta podagra, nihil.*

De Adelheide Franci.

C*Orpore tam tenui est Adeleidis filia Franci
Non raro ad limen missa remissa meum:
Vt cum nescio quid fidam mihi dicit in aurem,
Penè nihil videam; sitq; ubi, sæpe rogem:
Vt circumspiciam culicem per inane volentem.
Hac feriente meæ cum crepuere fores.*

In focum.

I*Gnis inest animis: nec solos corporis artus
Focilat, estq; ortus conscius ille sui.
Æthera transcendit, nec inanibus hæret in auris.
O quamtas in res nos jubet ire focus!*

Martino P. P. L.

C*Aussa quodd abstinco gravibus Martine cothurnis,
Et tragico dignum symmate canto nihil;
Quodd mihi decretum est alienos mittere luctus;
Sufficit in curas quodd sua causa meas.
Qui canis Atridas & fata furentis Orestæ,
Quid portas? maciem canitiemq; citam.*

Monar-

Monarchia Afsyriaca.

Cœpit in Assyrio majestas Regia Nino.
Perdidit imperium Sardanapalus iners.

Persica.

Transtulit in Persas victor diademata Cyrus.
Adjecit Pharias hoc patre natus opes.

Græca.

Rex Macedum spoliis Persæ ditatus & Indi
In regnum moriens misit & arma duces.

Romana.

Ultima subverta est Romana potentia cælo.
Durat adhuc, famâ sed minor ipsa sua est.

Cæsar.

Cæsare sublato populis fatale regendis,
Perpetuo posthac Cæsare, nomen erat.

Zaleucus legislator.

Discite ab unoculo Themidos nova turba Zaleuco,
Nî valeant leges, posse valere nihil.

Damocles parasitus.

Tu qui felices potuisti dicere Reges,
Regales inter disce pavere cibos.

Judex Cambyseus.

De Cambyseo quæ nescit iudice tellus?
Esse deis curæ fas, ait ista cutis.

Matres

Matres inopinato filiorū reditu extinctę.

Fama fuit natos matrum cecidisse duarum.
Quid subito extinctas, hos rediisse, iuvat?

Philonomus & Callias.

Cum totam flammis absumeret Ætna Catanam;
Patris hic, at matris portitor alter erat.

Pædagogus proditor.

Proditor à patriis agmen puerile Faliscis
Verterat: hinc plagas, quas dedit, ipse tulit.

Reges captivi currum Sesostris trahentes.

Depositi sceptris spem non posuere, Sesostris;
Si rota, quā mersa est, parte resurgit humo.

Pater filiæ ubera fugens.

Filia captivo sua præbuit ubera patri.
Hæc alimenta senis, ne moreretur, erant.

Troja ardens.

OB Paridis flammis sunt hæc flammantia Trojæ
Mœnia, non alio digna perire modo.

De eadem & Româ conflagrante.

Ignibus in captam quid sevis Græcia Trojam,
Si facit hoc Laribus Dardana Roma Tuis?
Quid tamen hæc Tyrias flammam quoq; mittit in arces,
Sii parat ulsrices Teuto Gothusq; faces?

Matronæ Vinsburgenses.

Quamtum humeris possent captorum ferre marito,
Rex dedit: illæ humeris imposuere viros,

C

De

De Clemente N. amico.

HOrarum automato gravis ambulat indice Clemens:
Adde quod est index, quem gerit, ille duplex.
Alter inest loculis, collo demittitur alter:
Estq³ domi sextum non minus automaton.
Occupat & latam bis tertia clepsydra mensam:
Maxima dat medium cum Phaëthonte diem.
Deme quod est silvis, tria sunt solaris villa.
Namque unum in silvis arida quercus habet.
Ad nonum lapidem nostram procul urbe beatum
Rus colit: ipse horas hanc aditurus obit.
Machina dum variat, jamq³ hæc jamq³ illa laborat:
Ad decimam, sextam jussus adesse, venit.
Vir bonus es, dixi; cave fallere falsus ab horis.
Omnibus excidium nunc parat automatis.

Fenestra vitrea, amoris tessera.

Siquid habent vitrea possuntve in amore fenestræ;
Vix amor à Læto. Fracta fenestra mea est.

De Æneâ.

PEr Trojæ medios Æneas extulit ignes
Patrem humeris, natum sacraq³ raptâ manu.
Cesserunt flammæ. Dic conscia Luna, quis unquam
Posset & in mediâ sanctius ire die?

De Venere à Podio pictâ.

Hæc Gnydiæ facies & eburnea colla fuerunt,
Sparsus & hic crinis per sua colla decæ.
Hæc cestigati sunt corporis omnia: mammae,
Venter, & hæc fruticans portio, crura, pedes.

Talia

*Talia, Zeuxi, palam Tibi subjecere puella:
Suggestit Podio lumine cassus Amor.*

In Sethum.

A Sethi famulis numquam non manè salutor:
Ipse venit, mersis in freta Solis equis.
Cernuus in varios moderatur pilea gestus,
Datq; bis admotâ basia prona manu.
Par ego dum refero, sed cœtera deprecor, utq;
Assideat posco, nec facit; hora perit.
Ut tandem cessit, totidem mendacia garrit,
Quot putat hinc palmas Cæsaris, inde Gothi.
Iam Calabris illapsus agris, jam collibus Hæmi
Committit Latios Bisthoniosq; duces.
Ac plusquam Æneas fugiens Polymnestoris urbes
In Siculos siccum per mare vertit iter.
Venerat. Hesperiiis adimit sua Regna Philippis,
Et Pœno Hispanas remige vectat opes.
Pergit, & in Scotis Trinobantum fœdere rupto
Improba cognatas mittat in arma manus.
Obtrudo calices: magnum præfatus honorem,
Et repetens bis ter basia nota, bibit.
Nec sibi non similis cum paucula reddidit, instat:
Cras discam causâ Celrica gesta Tuâ.
Turbida lux ierat, cum rursus nocte profundâ
Tot Sethi officiis servitiisq; necor.

In Attonem.

R Asit picturas, fregit tabulata, fenestras:
Sic nudam & laceram vendidit Atto domum.

*Fecerat offensus cimum grege. Vendita centum est
Argenti libris: his totidem emta fuit.*

In Crispum.

E*st dare quod possum, sed per suffragia Patrum,
Cum sciat hoc Crispus, me rogat atq; Patres.
Sed Tibi (sic ait ille mihi) donabimus ingens.*

*Dixerat hæc clare: cætera murmur erant.
Et redit, & verbis tantum promittit iisdem.
Quid credam hoc ingens, quod dabit, esse? nihil.*

Ad Phœbum.

A*sferè, Phœbe, Tui nomeng, decusq; Poëtæ:
Quamq; dabas puero, sit mihi fama seni.
Hæc nemora & fontes habitantia Numina testor,
Carminis hanc summam sæpe fuisse mei.
Ecce quies fuerat: motis ruit Auster ab ornīs.
Arrisisse mihi silva locuta deum est.*

De quodam.

I*pse niger longis est auribus, est oculo uno
Et pede. Sic omnes exhibet Antipodas.*

De eodem.

E*rravit natura prior: sed casus in his est:
Χλάνης μὲν τὸ γόνυ, φλόξ δὲ ἀνέλε φάσ.*

In Priscum.

P*riscus habet nasum, quo non est longior alter:
Parq; Priapéo nec minus ingven habet.
Mille domos lustrat: sunt tot lustrantis amicæ.
Qua subit, est ipsi Priscus amicus hero.*

Est omnis suboles nascuta sub adibus illis.

Et quis non Priscum dixerit esse patrem?

Ex Athenæi lib. I. dipnosoph.

Τροφή δ' ψυχῆς λόγοι καλοί.

EXcitāt humanas pollens facundia mentes:

Quoq; vigent animi, sermo venustus habet.

Ex Sappho.

Μῆτε ἐμοὶ μέλι, μῆτε μέλιττα.

Non mihi Cecropius sua mella ministrat Hymettus:

Sed nec apes inter, quas habet, ulla mea est.

Ex eadem.

Εἰ τοῖς ἀνθρώποις ἤθελεν ὁ Ζεὺς ὀπθεῖναι βασιλέα, &c.

IN flores alios nisi sceptrā dedisset

Iupiter, imperio. Tu rosa digna fores.

Tu decus es florum, Tu prati summa venustas:

Tu spiras Zephyros, Idaliasq; faces.

Ex Theocriti Idyll. XV.

Πάντε γυναῖκες ἴσταν, καὶ ὡς Ζεὺς ἡγάγετ' Ἡρην.

Sola dicax mulier secreta hominumq; deumq;

Novit, & ut magno nupserit Hera Iovi.

Ad Dianam.

DIva potens nemrurum, quorum avia tesqua pererro.

Cautius ad fontes tende remissa Tuos.

Nam si Te nudam comitesq; ego videro nimfas;

Non ille Aëtaon, qui juguletur, ero.

Turba canum procū est: nec sic cum cornibus ibo,

Quin prius in vobis arma nova experiar.

Ad

Ad eandem.

Quid per nimbosos inferis Te Delia montes?
Hoc studium heroes & tener implet amor.
Si Martem spernis, Paphiæ si negligis ignes,
Quid tamen intorques improba tela feris?

De Homero & Vergilio.

Ille nihil didicit vel lectis mille Poëtis;
Cui nec Mæonides, nec Maro lectus erat.

Nuptiis Claudii Formosi.

Cum peteret Colchos formosus amavit Iason.
Colchida formosam. Falsus uterq; fuit.
Sive quodd obscurâ non omnia nocte paterent.
Sive quodd in noxâ mens utriusq; foret.
Vos melius, Claudii, spectastis ab omnibus annis
Alterius vultus alter, & ingenium.

Manibus Vencesilai Clementis à

Lybéo monte Poëtæ nobiliss.

Extulit egregio quem Regia Praga parenti,
Cui dedit ad Reges mellea Svada loqui,
Quem Mars indomitus patriis à finibus actum
Iussit ad externos longius ire deos,
Ad Gothicum venit languenti corpore Regem,
Mens sed in affecto corpore major erat.
Hunc fractos cecinit per Teutonas arma ferentem;
Et Rhenum accessit, quâ maris intrat aquas.
Inde Caledonii Vatem asseruere Britanni.
Sic tamquam civi busta dedere suo.

*Sed sis Prussiâcis ô amice remotus ab oris,
In tumultu extabunt hæc mea verba Tuo:
Clemens Vencefilas, cœlo quem fama dicavit,
Hæc stabilem invenit post sua fata locum.*

De Europâ puellâ.

*V*irgine cum Tyriâ quod Gnosius ævora Taurus
Ingreditur, furtum quis neget esse Iovis?
Idem quid tenerum corpus tot fluctibus urget,
Quod poterat plumis & per inane vehi?

In Memmiam.

*S*icne albescentem componis, Memmia, crinem;
Et faciem ad speculum, quâ potes, arte novas?
Quid peccas ultra, paucosq; negaris in annos
Ipsa Tibi, senii jam manifesta Tui?
Præstat voffellas & inanem mittere fucum
Tunc cum forma perit Memmia, nec periit.

Ad Stellas.

*V*os intempestâ lucentia sidera nocte,
Semitâ quâ tendit lactea, quâq; polus:
Quis vigor in nostros manabit ab æthere sensus,
Si pater hinc Phœbus, qui mihi regnat, abest?
An quæ fraterno dea pulcrius igne coruscas,
Impertis frntrem plus mihi luce Tuâ?

De Apro Calydonio.

*D*amna quod, Ætoli, vestris aper intulit agris;
Nec Trivie furor est, nec fera crimen habet.
Perdere sed quæ ausa est Althæa venefica natum,
Carminibus diris in sata misit aprum.

Con-

Convivæ litigantes.

Certant convivæ: quorum consensus in uno est.
Vina rogant omnes: nemo rogavit aquas.

Ad Tobitum R. Tribun. militarem.

Et Tu militiâ nondum veteranus abibis?
Et positis Aquilis rastra Tobite, geres?
Iam Martis decorum satis est? jam rura liceris
Fassa suum infami sente rubog₃ situm.
Bella recrudescent: & adhuc regnare potestis.
Tu cave, ne leges det Tibi calo Tuus.

In Agilium.

Sæpe venis Agili septem comitatus ab umbris.
Prodigium est: bis tres sint procûl, una sat est.

Poëtarum trivialium abdicatio.


Legimus in silvis summos minimosq₃ Poëtas:
Inq₃ suam turba est utraq₃ missa tribum.
Vos lætas animas ad limina nota reporto:
In freta cum rivis hoc rude vulgus eat.


In Loppium.


Vult Alpha doctorum videri Loppius,
Cum sit opicus. Post Beta nescit cæteras.


Ad Musas.


Sicca canis rapidi comes improba Solis in æstu,
Et grave messori sidus abire parat.
E nemore ad Themidos sacrata palatia mitor,
In fora de regnis litigiosa meis.
Tam placidum, Musæ, paullisper condite vultum,
Scitis ut & vobis detur in urbe locus.



















Biblioteka Jagiellońska

